

書名 空同先生集六十三卷 嘉靖九年序刊本
撰者 明 李夢陽 撰
卷 卷六十
內容分類 集-別集-明中葉
索書號 倉石:40084
編號 4008000

卷六十

空同先生集卷第一

賦一十首

疑賦

思賦

省愆賦

緒寓賦

俟軒子賦

一十首

疑賦

鈍賦

述征賦

宣歸賦

寄兒賦

竹石賦

[彩色首頁1](#)

[東洋文化研究所漢籍目錄 編號: 4008000](#)
[東洋文化研究所漢籍目錄所藏漢籍善本全文影像資料庫 索書號: 倉石:40084](#)
[漢籍善本全文影像資料庫文本空同先生集六十三卷 嘉靖九年序刊本](#)
版權所有: [東京大學](#) [東洋文化研究所](#)
[使用上的注意事項](#)

乾坤高卑易矣。星辰在下。江河逆矣。天喬喬天。

北郡李夢陽撰



空同先生集卷第六十

北郡李夢陽撰

文

雜文二十五首

箴 戒 頌 辭 誄
對 解 字義凡八種

六箴六首

六戒

榮養堂頌

三仲頌

邃庵辭 有序

挽歌辭

許子誄 有序

月塢痴人對

虛里子對

馬對

郁郵子解

直臣字義

維極字義

董生兄弟字義

弟汝含字義

雜文二十五首

六箴六首

太僕儲先生曰人有六事心事身事家事官事
人事文事空同子聞之曰嗟乎有非在我者焉
如彼何著六箴

心一

不可對人言曰慝言之而不行曰惑行之而不至曰
畫非所存而言曰賊亡是而靡獲自盡則天也

身二

烈女能必其已之不污不能必其天之不愚時之弗

踰夫是則烈女也已

家三

有負郭田百畝時桑數十株可以聚廬矣進竭其躬
退爲耒夫不亦可乎

官四

君子徇道志士徇名嗇夫徇利是究是圖毋覩厥位
人五

信道莫如守己省事莫如寡交君子曰中古貴施報
苟以禮至斯應之矣

文六

古之文以行今之文以葩葩爲詞腹行爲道華嗟彼

千鈞一髮柰何

六戒

匡衡曰聰明疏通者戒於太察寡聞少見者戒於壅蔽勇猛剛强者戒於太暴仁愛溫良者戒於無斷湛靜安舒者戒於後時廣心浩大者戒於遺忘李才讀而躓之著六戒

太察一

容以畜衆察則無徒先民有言毋及淵魚厥昔聖王瑱耳曠目聰罔弗悉明靡不燭

壅蔽二

聖明四月復達四聰縣鼓置鐸維恐弗通顓任生奸

偏聽生讒芻蕘罔遺大道之戒

太暴三

勇以陽奮強以義發用之弗端鮮不殄伐受絕於武桀隕于湯秦政弗戒二世而亡

無斷四

匪陽曷舒匪陰曷蔽弗濟以義仁曷由戒孝元優游漢業用墮衡丁其时空言式悲

後時五

有虞鼓琴穆穆其和及聞善言沛若江河王者之德應時若響居則山靜動則飈往

遺忘六

衽席萌變蕭牆伏憂遵藪射鹿歸而忘牛武事四夷
海內虛耗垂暮攸省輪臺有詔

榮養堂頌

彼美耆堂有南其戶前臨伊闕緱氏嵩阜文杏爲梁
蘭橈桂柱誰其居之樂彼壽母桓桓大夫建旄茲土
夕之晨之登降堂只豐膳孔時邊豆纏纏剥有肥羜
膾有文鯉維是大夫崇志遠辱人以體養我養者色
夙夜寅畏內訓攸服洛水泱泱貫于斯城毋氏壽康
子也令名

三仲頌

湯湯浥水流清源巨誰其濬之爰美爰聚珠必駢輝
簞豈孤翥理海旣光赤霄攸煦伯氏明經郎曹發劓
賈惟載舉召棠繼青大國用監汝相汝卿仲游蘭臺
李也黃扉豸冠鷺紳分直彤闈爲草指佞爲羊觸邪
如桂之馨如玉之華是曰三仲一門萃之萃之伊何
三仲連芳歷祀三十乃驗乃彰事有豫定神有前識
易垂餘慶書闡陰隲匪善匪積厥夢詎獲

邃菴辭

有序

石淙夫子舊居京國有室一區突靜幽紆左圖
右史前授生徒是之謂菴而稱邃焉愚也竊嘗
慕之而未獲遊也後夫子提學關輔愚始得隨
鄉邦士摠衣講坐下然自恨限於勢分未幾竊

科第輒復違去不得從容左右如菴中諸子卒業以立於世而有私幸究緒論遵顯則若有自得焉者雖不敢自謂得其門而入亦不敢苟焉以自棄乃作遂菴辭以志愚衷辭曰

蓀壁兮桂宇葑檠兮在下水滴滴兮溜渠蘭歲蕤兮當戶菴之構兮何所接紫闥兮崇期菴何爲兮閉寂窈焚楣兮參差蔽脩櫳兮連延錯瓴甍兮委蛇穆空洞兮內啓豁庶隅兮外直回棊前通兮嘉樹後植邇莫可探兮遐乎可卽匪遂曷名兮厥惟菴德菴中兮何有玉佩兮青衿惠我人兮不貌以心適我人兮可宋可榻可棟可楹兮維菴是學赤帷兮翠憶菴中人兮西遊斗暉暉兮晝揭嶽巖巖兮夕秋予邊鄙兮賦夫悵瞻菴兮弗早幸門墻兮未麾矢貞心兮恒保

挽歌辭

中庭閨兮今日何日總帷揚兮苔生於室悵游子兮西歸木飈飈兮風振悲邈山川兮愁嘆興望城闕兮魂若崩歷故堦兮弔叢諼白露隕兮霜霰繁椒酒兮桂漿羞余珍兮枉衡神曠恍兮若來奄踰佚兮逝不回柏輻兮杉擲文幢兮素旌送完璧兮山阿從君子兮允寧

許子誄有序

正德三年歲在戊辰六月己巳工科都給事中

許天錫卒李夢陽曰嗚呼哀哉許子乃作誄曰
閩產其傑受命端固孤行介直踐道靡豫爰放厥辭
靡角靡究執言不回貞厲獲咎懷誠匪察瀆經自効
踰中奮志白刃是蹈義同尸諫信勇可悼伯奇申生
厥寢是紹

月塢痴人對

張生含者金齒人也含侍其父南園大夫於京師嘗
從北郡李子游李子居梁也有稱月塢疑人者見焉
見之則含也李半曰子奚斯稱也張生曰含蓋塢於
郡之大保山業焉月東出則對塢而升光觸形應劃
焉頰破逆映曾入虧蔽流徙放也檻輝堂白枕簾波

溢含也於是出塢而立仰而視俯而睨恍乎若失已
充乎若有獲也久之塌焉而忘李子曰嗟冥哉且子
忘者月乎塢乎張生曰含始見其岩斫焉木爛焉暝
析實浮虛擊谷冷風淅已而耳更目易迷不知所精
發靈飛飄若鴻翥矯若霞舉不知孰月安知孰塢山
中人有呼含者含兀兀無以應也於是山中人走告
南園大夫曰而即癡於是大夫乃亟召含問故含兀
兀無以應也大夫乃大驚撫含背曰兒真癡邪於是
遣含復北游於京師夫安一枝者難語天池之運據
腐之鳶仰而嚇鵠者非其智不如也處小則大者昧
恬於幽則熠乎眩故觀廊廟鐘鼎之盛則事功之心

與覽聲文冠冕之會則進為之志增與四方豪賢友則識廣學登於是冥寂可移而癡可遺也李子曰大哉大夫之教子也含歸何也張生曰方枘圓鑿雖公輸不能強之使入故材有異宜性有難移彼巧我拙彼佞我訥彼通我塞是以諸弗入也京師識含者不謂含弗入也顧咎含曰子奚不仕含兀兀無以應也乃又咸大驚曰南園大夫兒癡含自笑曰後癡人癡前癡我癡吾人癡乎寧我癡乎於是月鳩癡人稱焉李子曰異哉若是則子之癡瘳且有時矣吾不子病而子之幸

虛里子對

虛里子問于龍溪公曰敢問處世有道乎龍溪公曰有渾渾默默惟道之極窅窅莫莫惟神之窟虛里子曰異乎吾所聞君子礪人之爽告人之穀於是龍溪公勃然變色曰迂哉遐乎子之言也且子以若為爽非欲其靡爽邪若不以子為欲其靡爽必將曰是誠詬我必孽子之短還而詬之曰亦猶吾子之礪我也語若以穀若不以子為欲其穀必將曰是誠襄我穰之必思以加于子者復之曰亦猶吾子之告我也二端交戰于中故面然而背詆公與而私忌群議而單詛如是有不危邪夫孰譽者世之恒情希勝者士之通患今徒示直以賈禍吾竊於子弗取矣虛里子曰

予成若德焉耳知不知奚恤焉苟有以復我適我乎
益苟孽我奚辱焉龍溪公曰惡是何言歟愚龍溪鄙
人也往有翁出龍溪之野見巨卵五色携以歸伏以
舒鴈居頃之剖子鬼鵝尾殺蛇身四足青黑班若鱗
是日瑞氛鬱盤紫氣亘下上翁大驚喜祝曰茲殆龍
子天錫我祉龍子性劣惡好緣樹騎屋翻盆倒罌生
之日鷄犬咸鳴走龍子又嗜血食翁顧無所得血食
若且怖於是齋沐諏日請龍子詣溪焉適有婦浣于
溪龍子擊殺食之其家因即擊翁曰是翁家物後數
年夜雷電有龍降翁室繞其故巢三匝而去夫今之
欲成人之德者不爲秦龍翁幾希矣故君子之於人

三宿而後見非崇傲也三年而不言非貶行也誠不
通則交不固中不孚則聽不入故楚客以售璞遇刑
齊人以操瑟蒙詬國佐以語盡見殺屈原以言直殞
軀柰何逐汶汶之煩而招訛訛之議乎虛里子於是
蹶然笑曰子之言似矣獨不曰拯溺不畏濡履揀焚
不惜燎衣必欲爲渾默宵莫之行必剗而後充者是
豈可哉龍溪公艱然不悅曰子不聞坤著括囊之文
蒙闡擊蒙之義詩申玷圭之詠傳立守瓶之訓信如
子說則三緘之鑄孔子奚取焉二子爭論不能決明
日以其言質諸中河子中河子不荅鼓枻而去歌曰
瞻彼中洲兮有鳧居居翔而復集兮擇匹而游渴飲

水兮飢餐吾魚夫復何求兮

馬對

秦子北遊京師墮馬傷是時郁郢子亦有霜露之疾
二子共巷而處郁郢子素善秦子居頃之謂其門人
曰西不有秦子乎然吾聞其人矣非所謂守道自信
者邪於是作黃鵠之歌以其門人上官氏爲使往遺
秦子秦子是日會使使來遇諸塗使異其事各反於
主而後交焉久之秦子愈先造郁郢子遂及墮馬事
郁郢子強起問故秦子曰吾南產也不習馬出卒假
人馬即不解良惡是以墮耳郁郢子曰異哉言也且
子能盡習天下之馬乎曰不能能盡解其良惡而後

假乎曰不能曰二者旣不能矣子能終身棄馬乎曰
又不能曰子墮馬傷何曰傷足曰幸若是鄉使傷臧
絡挾脰磕腦抉背毀齒子尚能即起邪殆哉殆哉秦
子聞之龔懼無人色咕咕語曰柰何先生幸以教之
郁郢子曰昔者伯樂學相馬於其師三月不進其師
曰可以益乎伯樂曰未得其骨三月得其骨矣曰未
得其神又三月得其神矣曰吾未得馬之外竟盡其
師之術乃辭歸於是持以相天下之馬聆其聲而會
其精睨其形而貫其靈然後天下無逃馬當是時也
而暇於習乎今吾子不求諸馬之外日僕僕較良惡
墮且滋甚秦子於是蹶然笑曰闕哉談也千里馬常

有而伯樂不常有子以伯樂望予無乃過乎雖然伯樂即幸而生今之世吾恐驪黃牝牡之徒得以鑠金而刺天也誠使人衆議堅伯樂即幸而復生故不得破其非良也郁郢子不荅憮然有間曰夫物非天不生非地不長非人不成故材美弗物是謂棄天芻粟豐足怠厥力是謂城地材物矣弗怠厥力而世無玉良造父之儔是之謂命故馬一也遇王良造父則過都歷塊靡流景逐奔電蹠血萬里顯名天下不遇則放之沮澤之中與鹿豕烏鳶並遊豈非命哉豈非命哉昔有獻馬於楚王者王愛之衣之文綉處之華屋席之露牀之安啖之棗脯終其身弗駕也馬慚憤悲

鳴蹄齧思効王一日之用王不從竟老死厩下故馬知而弗愛不如弗知愛而弗用不如無用故寧甘心沮澤之中與鹿豕烏鳶並遊不願衣文綉之衣席華屋露牀之安故即有棗脯之餐弗餐也此之謂盡性以俟天者也且子亦將俟其在天者乎抑需在人者乎秦子出郁郢子呼上官氏記之頃之郁郢子疾亦愈秦子客久鬱鬱不得意乃卒取學職往教于楚下邑郁郢子往餞之曰子記疇昔墮馬之說乎子之不爲天下知亦久矣奈何雖然行有物色子者第行矣

郁郢子解

郁郢子寢疾杜門謝客客無以見也金城段吳過武

子吳一作

功康海問曰郁郅子何以不出康子曰郁郅子疾也
段子曰郁郅子疾乎疾奚杜門謝客疾而杜門謝客
是有託者也蓋謂郁郅子忠臣不潔名以暴君君子
不違衆以要勲且未形而彰是曰自戕無憂不戕其
憂必集若誠有託譬諸縣鐸急趨習必及之矣康子
曰咈是罔郁郅子也吾將見郁郅子明日康子固請
見郁郅子於是郁郅子擁黃狐之裘馮文石之几尚
以白雪之縠強起見康子坐上坐郁郅子休安若山
貌若敷腴徐覘其息俞俞于于焉然顧有靡豫之色
康子於是辟席問曰夫子奚病也郁郅子欠伸喟然
仰嘆久之曰康子曰吾誠不能狀吾疾吾始焉怒焉

若飢若思若悲已而輪囷於邑怲怲悒悒糾錯積鬱
其狀絲棼埃結氤氳靡絕發于腴紫于心浸淫于肌
腸滕理之間充之不見其際究之莫知根柢毆之未
已觸之復起故居則恍焉惚焉恍若有遺步之不能
端履也夢岑岑焉若將舉而控于帝闔家人驚恠詰
予予茫然無以荅也故陳之鐘鼓管籥不知其爲音
炫之黼黻繁縟縣瓊結綠不知其爲華啖之芳醲珍
烈之品不知其爲甘故飫之不肥膏之弗澤問之莫
可名象而排之不能自解也然徧國中無醫之者有
本機先生者號靈醫往使迂之語以狀本機不肯命
駕教使者曰能置泰始之鼎無爲之榻坐我廓然之

字食我切玉之饌元化之羨則迂我顧卒不能置故厥疾罔獲瘳康子出以其言告段子段子曰予聞在形爲疾在心爲憂郁耶子殆有憂乎

直臣字義

舉人吳廷對字直臣李子曰字直臣何也吳生曰廷對者對于廷之名對不直不可以爲臣故曰直臣李子曰生奚直焉吳生瞿然避席而請曰直不同乎李子曰夫博問強記奮辭而駭人曰我能爲逢爲干此其直以言也而未必有諸氣天威臨於上斧鉞在側鼎鑊在前揚眉吐膽能批逆鱗觸忌諱屹然山立此其氣直矣然退而悔焉不可謂心也古之直也莫如

史魚孔子贊魚曰邦有道如矢邦無道如矢是矣乃它日又曰邦無道危行言孫孫者非直之反乎子讀易乎王臣蹇蹇直矣又曰遇主于巷又曰納約自牖一何曲而徐也夫水性曲而木則直二者愚夫愚婦所知也木生石底不側出不獲達而建瓴屋春水之下也雖賁獲之勇不能使之曲也故臣無二道而直有五義一曰言二曰氣三曰心四曰時五曰勢生也奚直焉吳生曰願聞其詳李子曰夫直人者未有自不直者也故隱污之行行於家而光大之議揚於國共驩其身而以堯舜之道責君者此所謂言直者也非直之實也故言者其華也氣者其充也心者本也

時者逢也勢者用也故直言者必氣直氣者必心識
時者先幾審勢者有爲五者而能全則聖矣殷之三
仁或去或不去孔子之無可無不可是也孟子論氣
曰直養而無害易曰敬以直內學之事也通乎上下
者也生也奚直焉吳生於是俯而思仰而嘆曰大哉
對也往謂臣之直也問焉如蒼焉已矣諍焉如雲焉
已矣犯焉如兇語累乎云焉已矣而不知直之義若
是浩也乃今聞教矣

維極字義

劉峻字維極何也詩曰崧高維嶽峻極于天峻者高
大之名然不極不至天不天不可謂學也故曰洋洋

乎發育萬物峻極于天道猶山也故咸稱峻焉繼之
以極夫然後高大備矣孔子贊堯曰大哉惟天爲大
惟堯則之而史臣亦曰克明峻德史之峻孔之由天
歟惟堯極之不堯則之哉而論者則曰六爻莫極于
上聖人訓辭垂戒焉故龍極曰亢城極曰復于隍鳥
極曰翰音登于天而不知易時也有位焉二者非在
我者也故道以極成時以極厲位以極危成以達天
時以規動位以行時而後學之義備矣峻生長匡嶽
間瞻崧高者也而復業詩書誦法孔子末遊予門予
名之曰峻請字予曰維極請字義予曰云云峻乃曰
天曷能即至也夫孔子不云下學而上達知我者其

孔子之作

天平

董生兄弟字義

董大夫遣其二子見李丰李丰問焉長瀾次潤李丰曰二子冠乎禮冠而字之吾字汝矣二子請焉曰瀾字汝巨源潤字汝真玉請義焉李丰曰吾聞君子之名其子也必昭物以勗志其字人也必廣才以章義義以闡訓訓以副名名以責實夫然後父有其家子有其身名無忝實字無辱勗夫瀾者源之達而潤者玉之發也故君子測源於瀾揆潤於玉瀾以觀道玉以比德即末以驗本緣用以占體巨小相形真僞以別故弗巨弗長弗真弗光長則瀾湧光則潤求湧以

知巨末以知真是故軻之言道也稱瀾焉繼之以明以光懼遺本也記之言德也稱潤焉繼之以密以栗思務體也子亦觀水平江漢河淮天下之至瀾也然其出岷也嶧冢也崑崙也桐柏也非其本細而末巨也亦觀玉乎瑜瑾璆瑤天下之至潤也然廉而不剝其聲清越孚尹旁達氣如白虹非其體僞而用真也是故君子志道求達考德視發於是乎有瀾與潤之名達必先本發以後體於是乎有巨源真玉之字本植體實訓義乃行於是名副字彰父兄榮之師友成之身無損名家無棄子斯古今之共義也



弟汝含字義

二十而冠冠而字禮也弟生三月先吏隱府君名之曰孟章矣十六歲而弟通詩書大義能爲絕句詩責以成人之道可也於是冠弟字之曰汝含在坤之六三曰含章可貞天剛柔相雜而成文之謂章患其不章何以含之坤順道也六三居下之上得位之象人臣有美含之歸功於君坤之道也嘗觀天下無分外之事君子亦惟求其在我而已是故有所自足於內則無待汲汲以求見乎其外先王制禮盛服必襲德旌必結則服飾之章晦博文強識而讓則問學之章晦書曰汝惟不矜天下莫與汝爭能汝惟不伐天下莫與汝爭功則章于事業者必晦况三方進而位不

中者乎故雖有美含之不敢挾才能而躡進坤之道也得坤之道可以常久而無咎故曰可貞夫聖人之言大小前後不相背引而伸之自功業之大問學之切服飾之常細求平言動起居苟非分外之事殆未有可掀揭以自銜譽者可不含歟有美含之而况未美者歟汝含省察無功涵養寡力有長惟恐不揚有能惟恐不知出必修其貌動必華其服又強毅多悔吝是未能有三之章已不能含矣况有之而能含歟君子退則修己進則事君所以自修者掀揭銜譽如此它日得位其不可貞也較然矣可不戒歟汝含柔順體坤之性直方大法坤之德足于內而無待乎外

居三則以時發進之于五則美在其中暢于四支發
于事業其章也至矣終含乎哉故既字之復說其義

空同先生集卷第六十





所圖畫